

ԽՈՂԵՐ ԵՒ ՅՈՐԴՈՐՆԵՐ ՄԵԾԻ ՊԱՀՈՑ ՇՐՋԱՆԻ

(ՀԱՅՐԱԵՆՈՒՆԶ ԽՕՍՔԵՐ՝ ՄԵՐ ՍԵՐԵՑԵԱԼ ԺՈՂՈՎՐԴԻՆ)

Ահա մեր Մայր Եկեղեցին վերաբացել է իր ծիսական կեանքի մէջ քառասնօրեայ մի շրջան, որ կոչուում է Մեծ Պահք, ժողովրդական բառով՝ Մեծ Պաս կամ Պահեցողութեան Երջան: Մեր Տիրոջ՝ Յիսուս Բրիստոսի Յարութեան հրաշափառ տօնից՝ Մեծ Չատիկից առաջ քառասուն օրերի վրայ տարածուող այս շրջանը Եկեղեցու հայրերը սահմանել են որպէս հոգևոր պատրաստութեան, ինքնամաքման մի ժամանակ, որի ընթացքում մենք մեր անձնական ներքին կեանքը և անձից անձ փոխյարաբերութիւնները ինքնաքննութեան վերատեսութեան ենք ենթարկում: Մեծ Պահոց այս օրերին մեր Եկեղեցու աղօթքները, շարականները, Աստուածաշնչական ընթերցումները, Աւետարանի քարոզութիւնները կեդրոնանում են մեր անձի ներաշխարհի վրայ:

Այս շրջանում ընդհանրապէս մենք երեք կարգի հարցումներ ենք ուղղում մենք մեզ.

1. — Ո՞վ եմ ես իբրև անձ, ինչ էլ որ լինի իմ կենսապիճակը, դիրքն ու հանգամանքը, հոգևորակա՞ն, մտաւորակա՞ն, հա՞յր, մա՞յր, պաւա՞կ, ուսուցի՞չ, աշակե՞րտ, ուսանո՞ղ, արուեստագէ՞տ, վաճառակա՞ն, ճարտարագո՞րծ, պաշտօնեա՞յ, աշխատաւո՞ր, պիկուո՞ր, հարո՞ւստ, բարեկեցի՞կ, աղքա՞տ, հիւա՞նդ, տարիքաւո՞ր, թոշակաւո՞ր: Ինչ էլ որ լինեմ ընկերային կեանքի այս կամ այն բնագաւառում՝ ե՞մ իսկական մարդ, հաւատարիմ՝ իմ աստուածաստեղծ բնութեանը, հաւատարիմ՝ Աստծու պատկերին, որ իմ մէջ է դրուել ինձ կեանք պարզևող Արարչի կողմից:

2. — Ե՞մ այն, ինչ ցանկանում եմ լինել իմ խղճի առաջ: Ե՞մ այն, ինչ Աստուած ուզում է, որ լինեմ:

3. — Եւ եթէ չեմ՝ ին՞չ եմ անելու, որ լինեմ:

Չի կարող մարդ լինել և ամբողջական կերպով ու լիարժէք տարողութեամբ կատարեալ լինել, կատարելապէս սուրբ, բարի և անմեղ: Մարդ էակը իր բնութեամբ, Աստծու կողմից իրեն շնորհուած ինքնիշխան, ապատ կամքի բերումով յաճախ շեղում է իր կոչման ուղիղ ճանապարհից և սայթաքում է, մեղք է գործում Աստծու դէմ, չարիք է հասցնում ինք իրեն և իր նմաններին: Նա, ով ինք իրեն անմեղ կը դասանի՝ նա ինք իրեն Աստծու տեղ դրած կը լինի: Եւ սա մեղքերից մեծագոյնն է, ինքնահաճութիւն, ամբարտաւանութիւն, սին ինքնահպարտութիւն, որից առաջանում են բազում այլ մեղքեր:

Աստուածաշունչ մատեանում միշտ կարողում ենք ՄԵՂՔԻ մասին, այսինքն՝ Աստուծոց հեռանալու այն փորձութիւնների մասին, որոնք այնքան յաճախակիօրէն պատահում են մեր կեանքում և խոռվում են մեր կեանքը թե՛ անհատական, թե՛ ընտանեկան և թե՛ հասարակական մակարդակների վրայ: Մեղքը՝ Աստծու կամքին հակառակ և մեր աստուածաստեղծ բնութեան անհաշտ արարքը՝ մի տեսակ անջրպետ է ստեղծում, մի ինչ որ պարիսպ է բարձրացնում մեր և մեր Արարչի միջև:

Եթէ մենք մոռացանք - և մոռանում ենք - մեր Արարչին, եթէ մենք

օտարացանք - և օտարանում ենք - մեր Աստծուն, Նա երթեք մեզ շնորհագաւ. մեզինք հեռու և օտար շմաց - և չի՛ մոռանայ -, որովհետև մենք իր արարածներն ենք, իր սիրոյ ձեռակերտ էակները, իր որդիները:

Աստուած մեզ հետ եղաւ միշտ, նոյնիսկ երբ մենք փորձեցինք Նրա հետ յիներ: Նա ինք իրեն յայտնեց մեզի բազում եղանակներով և իր յոյսը, սէրը միշտ արտայայտեց մեր նկատմամբ: Ամբողջ Հին Կտակադասում մենք տեսնում ենք, որ Աստուած շքողեց իր ժողովրդին: Ժողովուրդը յաճախ անտեսեց իրեն, ոսկի հորթի արծանը պաշտեց. Բայց ինք նրան տուեց իր Տաճարանեայ Պատուիրանները, ուղարկեց իր մարգարէները և բացաւ իր կամքը իր ժողովրդին, որպէսզի ուղիղ կեանքով երջանկութեան հասնի նա:

Երբ կարդում ենք Սաղմոսները, տեսնում ենք, թէ ինչպէս մարդ էակը պզուց է Աստծու ծարարը և դիմում նրան իր հոգևոր պապակը գոհացնելու համար: Նա աղերսում է.

« Աստուա՛ծ, Աստուա՛ծ իմ,
Ես վաղ առաւօտից Քե՛զ եմ ցանկանում.
Հոգիս ծարաւ է Քեզ,
Մարմինս՝ անաւել ևս Քո ծարաւն ունի.
Նման մի երկրի որ անպատ է և անջուր,
Որ ճամբայ չկայ (ԿԲ. 2-3):

Մեր Եկեղեցու ժամերգութեան աղօթքների մէջ կայ մի աղօթք, որ բանալին է բոլոր աղօթքներին: Այնտեղ աղօթողն ասում է.

« Յամենայն ժամ աղայանք իմ այս են՝
- Ի մեղաց իմոց՝ սո՛ւրբ արա զիս Տէր »:

Մարդի գերագոյն ձգտումն է մեղքի փուշից զերծ մնալ, որովհետև մեղքի խիթը բուծում չունի, առանց խոստովանութեան և առանց Աստծու թողութեան: Նա խոցոտում է մեր խիղճը: Կարող ենք մի անգամ, նոյնիսկ մէկից անելի անգամներ, այս կամ այն ձևով պարտելէլ այն, մենք զմեզ ցոյց տալ անմեղ: Բայց ցոյց տալ մի բան է, լինելը՝ ուրիշ: Օրից մի օր այդ փուշը մեզ կ'անհանգստացնի, կը տառապեցնի անպայման, որովհետև նա խրոսած է մեր խղճում և ոչ թէ մնում է սոսկ մեր յիշողութեան և կամ բանականութեան մէջ, ենթակայ մեր քմահաճոյքին կամ ցանկութեան:

Հակառակ մեր մեղանշումներին և սայթաքումներին, Աստուած մեզ շնորհագաւ և ոչ թէ միայն շնորհագաւ, այլ այնքան մեզ սիրեց որ մինչև անգամ իր Միածին Որդին ուղարկեց, որպէսզի մենք մեղքից փրկուենք, ինչպէս կարդում ենք Յովհաննոս Աւետարանի մէջ:

Աստուածորդին՝ մարդ եղաւ, մեզ նման, իրացրեց մեր մարդկային բնութիւնը (բացի մեղքից), որպէսզի մեզի ցոյց տայ մեղքից ազատուելու ճանապարհը և իսկական կեանքն ապրելու եղանակը երջանկութեան գոյալիճակով և կենսաբացով: Երբ Նա ծնուեց Բեթղեհէմում, երկնքի հրեշտակները մի մեղեդի հնչեցրին ողջ աշխարհում.

« Փա՛ռք ի բարձունս Աստուծոյ
Եւ յերկիր խաղաղութիւն,
Ի մարդիկ հաճութիւն »

Նա եկաւ, որ մարդիկ խաղաղութիւն վայելեն իրենց կեանքում և հաճութիւն, այսինքն՝ փոխադարձ սիրոյ մէջ ապրեն և գործեն և ըստ այնմ իրար հետ վերաբերուն:

Յիշո՞ւմ էք Յովհաննու Աւետարանի հենց առաջին գլխում պատմուած այն դրուագը, ուր Յովհաննէս Մկրտիչը երբ առաջին անգամ տեսաւ մարդացեալ Աստծուն՝ Յիսուսին, ասաց.

«Ահաւասիկ Գառն Աստուծոյ որ բառնայ զմեղս աշխարհի» («Ահաւասիկ Աստծու Գառը, որ վերցնում է աշխարհի մեղքերը» - Յովհ. Ա. 29):

Մեր Եկեղեցու սրբապան հայրերը, կանոնականացեալ Սրբերը և սրբաշունչ ընտիր դէմքերը իրենք իրենց միշտ զգացել են մեղաւոր, որովհետև մարդ են եղել և մարդ լինելով մեղքը իրենց կեանքից դուրս չի եղել: Բայց նրանք կարողացել են մեղքը նուաճել և ընկճել իրենց ապաշխարողական սրբակեաց վարքով և գործով:

Մեր հայերէն Այբուբէնի գիտարարը՝ Ս. Մեսրոպ Մաշտոց, իր գրած հոգևոր երգերում յաճախ ասում է.

«Մեղք իմ բազում են յոյժ,

Ծանր են քան պաւազ ծովու»:

«Վտանգիմ ի բազմութենէ մեղաց իմոց,

Աստուած խաղաղութեան օգնեա՛ ինձ:

Այեկոծիմ հողմով անօրէնութեան իմոյ,

Թագաւոր խաղաղութեան օգնեա՛ ինձ:

Ի խորքս մեղաց ծովու տարաբերեալ ծփիւմ,

Նաւապետ բարի փրկեա՛ զիս»:

Մեր մեծագոյն խորհրդապաշտ գրողը, հոգեւոյ պաշտօնը և ամենից սրբակեաց ճանաչուած անձը՝ Ս. Գրիգոր Նարեկացին, իր ամբողջ Աղօթամատենանում՝ "Նարեկ" անունով ծանօթ, ողբում է իր մեղանչական վիճակը և աղերսագին դիմում է ամենասուրբ և ամենողորմ Աստծուն, որ իր անկեալ վիճակից վեր բարձրացնի իր անձը, մաքրի իր հոգին: Մի փոքր նմոյշ մէջբերենք նրա բազում աղօթամբմունջ խօսքերից.

«Արդ, քանզի խօսեցի սկսեցի Քեզ հետ,

Որիդ ձեռքում է կենդանի շունչը

բազմամեղ հոգուս,

Ահից սահմնկած՝ սարսում են, դողում

սաստիկ տագնապից,

Քանզի Արարիչդ երկնի և երկրի,

Մտաբերումն իսկ Քո դատաստանի,

Անձողոպրելի, ահեղ, անաչառ,

Ուր յանցագործս պիտի կշտամբուի,

Անտանելի է, անսովոր, խօսքի

սահմաններից դուրս»:

Միւս երգաձայն աղօթողը՝ Ս. Ներսէս Ծնորհապին, "Հաւատով Խոստովանիմ" վերնագրով ծանօթ և ժողովրդից այնքան սիրուած և արտասանուած իր աղօթքների շարքում նոյն մեղանչական գոյապիճակն է արտայայտում պերճախօս և հոգեթով բառերով:

Ահաւասիկ մի նմոյշ նրա աղօթքների ոսկեշարքից. -

«Քննող գաղտնեաց,

Մեղայ քեզ կամաւ և ակամայ,

Գիտութեամբ և անգիտութեամբ,

Թողութիւն շնորհեա՛ մեղաւորիս,

Չի ի ծննդենէ սուրբ աւապանին

մինչև ցայսօր

Մեղուցեալ եմ առաջի
աստուածութեանդ քո
Չգայարանօք իմովք ամենայն անդամօք
մարմնոյս

Եւ ողորմեա՛ քո արարածոց
Եւ ինձ՝ բազմամեղիս»:

Հաղց եմ տալիս, ո՞վ ենք մենք, որ խոնարհական ոգով, ճշգրիտ և հրաւիրքնաճանաչման անկեղծ քանքով կարողանանք մենք մեզ անմեղ նկատել և կարիքը չզգալ հոգեկան վերամաքրման մեր ներքին աշխարհի բիրեղացման, մնալով կոյր և անզգալ մեր յանցանքների և մեղքերի նկատմամբ:

Եթէ մեղքը ներկայ է մեր կեանքում, ապա և ներկայ է նաև մեղքին յաղթելու, մեղքը չեզոքացնելու կարողութիւնը՝ պղքումի, խոստովանութեան, Աստու շնորհի ներգործութեամբ մեր կեանքում: Քրիստոս ատում է մեղքը, քայց ո՛չ մեղաւորը, որովհետև մեղաւորին մէջ երբեք չի կորսուել, և չի կորսուում, Աստու ներկայութիւնը: Մեծ Պահոց այս շրջանին մենք կոչուած ենք այդ աստուածային ներգործութեան ընդառաջել, տեսնել փուշն ու տատասկը, փոշին ու կեղտը, ընդվզել նրա դէմ, ափսոսալ, ընդունել, խոստովանել և որոշել նրան պոհ չգնալ: Ապաշխարութեան առաքինութիւնը ճիշտ այս արարքներով կը գտնի իր իսկական իմաստը. -

- Ճանաչել և ընդունել մեղքին քանդարար չարագործութիւնը մեր մէջ:

- Ափսոսալ, ընդվզել, պղքայ մեր գործած մեղքերի համար:

- Որոշել վերանորոգել մեր ներքին անձը, մաքրել մեր սիրտը, միտքը, կամքն ու հոգին.

- Բարիք գործել, ուրիշների - հանդէպ սէր ցոյց տալով և կարիքաւորին բարիք մատուցելով:

Մեծ Պահքի բուն իմաստը հոգևոր նկարագիր և տարողութիւն ունի: Որոշ տեսակի (մտեղէն, կաթնեղէն, հաւկթեղէն) կերակուրներից հրաժարուելը ինքնանպատակ չէ: Այդ ինքնապրկողութիւնը միջոց է հոգևոր ինքնամաքրման առաջնորդելու համար: Եթէ միայն որոշ տեսակի կերակուրներ ուտելուց հրաժարուենք և ասկայն մաքուր բարոյական կեանք չապրենք, մոլութիւնների փոխարէն առաքինութիւններին տեղ չտանք մեր կեանքում, պահեցողութիւնը իր ճշմարիտ քրիստոնէական հարապատ իմաստին չի հասնի: Կարևորը կերակուրը չէ, այլ՝ կեանքը, մա՛րդը, մարդկանց միջև սիրո՛յ, հաճութեա՛ն, բարութեա՛ն առաքինութիւններով յատկանշուող փոխարաբերութիւնները:

Ես նկատել եմ, որ շատերի մէջ կայ այն մակերեսային մտայնութիւնը, որ խոնարհութիւնը, իր սեփական մեղքին ճանաչումը և ընդունումը և նրանց նկատմամբ ափսոսանքն ու պղքումը փոքրութիւն է: Մեծագոյն սխալներից մէկն է այդ ձևի մտածողութիւնը: Ընդհակառակը, այդ խոնարհութիւնը քաբութի՛ւն է, հոգեկան արիութիւն: Աստու համար հաճելի մարդը այն չէ, որ ինք իրեն միշտ արդար է ճանաչում և ուրիշներին՝ մեղաւոր, այլ՝ այն անձը, որ ինք իրեն մեղաւոր է պզում և ձգտում մեղքից ապատուել ապաւինելով Աստու ներողութեան և շնորհին: Բոյորդ էլ լաւ էք իմանում Աւետարանում Յիսուսի մեկի տուած պատկերը Փարիսեցիին և Մաքաւորին առակի միջից: Նրանք երկուսը,

Փարիսեցին և Մաքսաւորը, տաճար էին գնացել աղօթելու համար: Փարիսեցին տաճարում ասում էր հպարտօրէն և բարձրաձայն.

— Ո՛վ Տէր, ես շնորհակալ եմ Քեզանից, որ ես նման չեմ ուրիշ մարդկանց, ինչպէս՝ յափշտակողները, անիրամներն ու շնացողները, և կամ ինչպէս սա մաքսաւորը, այլ շարաթը երկու անգամ ծով եմ պահում և տասանորդ եմ տալիս ամբողջ եկամտից:

Իսկ մաքսաւորը կանգնած էր մեկուսի և չէր իսկ կամենում իր այքերը երկինք բարձրացնել, այլ ձեռնում էր կուրծքը և ասում.

— Աստուած իմ, ների՛ր ինձ մեղաւորիս:

Յիսուս դարձաւ և իր առաքեալներին ասաց.

— Ասում եմ ձեզ, սա (Մաքսաւորը) իջաւ իր տունը արդարացած (վիճակով), ոչ թէ միւսը (Փարիսեցին), որովհետև ով որ կը բարձրացնի իր անձը, պիտի խոնարհեցուի և ով որ խոնարհեցնի իր անձը, պիտի բարձրացուի:

(Տես Ղուկասու Աւետարան, գլուխ ԺԸ. համարներ 10-14):

**

Ոչ միայն որպէս անհատ անձ, այլ նաև որպէս ազգ, հաւաքական անձ մենք պէտք ունենք վերանորոգման: Աշխարհում ո՛չ մի ազգ չի կարող խաղաղ ապրել և իսկական պարգացման և մեծութեան, առողջ տոկունութեան և ստեղծագործական նուաճումների հասնել առանց հոգևոր և բարոյական ներքին պորութեան, ամուր նկարագրի և մաքուր կեանքի: Մեղքը, Աստծուց հեռացումը կ'աղքատացնի և կը տկարացնի այդ ազգին: Մենք այս դասն ենք սովորել մարդկութեան և մեր հայ ժողովրդի պատմութիւնից:

Ներկայումս մենք թևակոխել ենք մի նոր դարաշրջան մեր բազմադարեան պատմութեան մէջ: Ապատութեան և անկախութեան այս ժամանակներում, մեր ժողովուրդը ստիպողական և անմիջական կարիքն ունի քրիստոնէական հաւատքի, Քրիստոսի ապրած և քարոզած ճշմարտութիւնների, բարոյական սկզբունքների վերակենդանացմանը մեր ազգային համայնական կեանքում:

Դարերի ընթացքում շատ ոյժեր, հզօր իշխանութիւններ ու վեցին մեզ հեռացնել Քրիստոսի ճանապարհից, Աստծու իշխանութիւնից, մինչև վերջին եօթանասուն տարիներին խորհրդային բռնական տիրապետութեան ընթացքին: Շատ բան քանդեցին մեր հայրերի սուրբ արանդութիւններից, բայց չկարողացան մեր քրիստոնէական հաւատքը պոկել մեզանից, արմատախիլ անել մեր հոգու խոր ընդերքից: Մեր ժողովրդի գիտակցութեան խոր ծայքերում կենդանի մնացին և խորհրդագործական առկայութեամբ արձագանգեցին 5-րդ դարի վարդանանց քաջամարտիկ սերնդի վաւակների կեանքի նշանաբան եղող բառերը. —

«Այս հաւատքից մեզ ո՛չ ոք չի կարող խախտել, ո՛չ երկնքի հրեշտակները և ո՛չ մարդիկ, ո՛չ սուր, ո՛չ հուր, ո՛չ ջուր և ոչ էլ այլ հարուածներ որքան էլ որ դառն լինեն նրանք»:

Այո՛, հաւատքը մնաց կենդանի: Բայց, չմոռանանք, այդ հաւատքը սուկ վգացում չէ, այլ կեանք է, ըմբռնողութիւն, ճանաչում, ապրելու, գործելու եղանակ է: Սուկ սրտի կամ ուղեղի հարց չէ, այլ մեր մարդկային ամբողջ անձին, մեր էութեան, մեր գոյութեանը, մեր

կեանքին հետ անքակտելիորէն շաղախուած: Մենք պետք է ճանաչենք մեր Տիրոջ՝ Յիսուս Քրիստոսի մեզի կռակած և մեր հայրերի կողմից մեզի փոխանցուած այդ հաւատքի բարոյական ուսուցումները, կեանքի սկզբունքները, որոնց մէջ է թաքնուած երջանկութեան իսկական բանալին: Հարկ է, որ քրիստոնէութիւնը մեզ համար լինի կեանքի՝ ճանապարհ և ոչ թէ սոսկ գաղափար ու ձևական պաշտամունքի յատուկ կաղապարեայ, անհոգի աւանդութիւն: Քրիստոս ինք ասաց.

«Ե՛ս եմ կեանքի հացը»:

«Ե՛ս եմ ճանապարհը, ճշմարտութիւնը և կեանքը»:

Մեծ Պահոց քառասնօրեայ այս շրջանում եկէ՛ք, հաւատացեալներ, եկէ՛ք վերագտնենք, վերականգնենք, վերակենդանացնենք քրիստոնէայ հայի իսկատիպ կերպարը մեր անձերի և մեր ազգի մէջ, եկէ՛ք վերադառնանք քրիստոնէական կեանքի ճանապարհին, որ մեզ կը տանի դեպի հոգևոր և բարոյական առողջութիւն և երջանկութիւն: Ներանմանական ինքնախորհրդածական ապրումների այս պահերին, եկէ՛ք ուժեղացնենք մեր մէջ ԱՂՕԹՔԸ: Երբ աղօթում ես Աստծուն, եկեղեցու մէջ կամ տանը, չես կարող Նրա հայելու մէջ դու քեզ չտեսնել յստակ ու ջինջ: Եւ երբ տեսնենք մենք մեզ այդպէս յստակ ու ջինջ՝ անպայման այնտեղ պիտի գտնենք մեղքի բիծերը: Մաքրենք այդ բիծերը, որպէսզի մեր դէմքերը վերագտնեն իրենց աստուածադրոշմ պատկերը: Երբ վերացնենք և ջնջենք մեղքի բիծերը, այն ատեն կը գտնենք առողջ ու երջանիկ կեանքի ճանապարհը: Երբ աղօթում ես Աստծուն, չես կարող չարութիւն ու վատութիւն խորհել ուրիշի նկատմամբ, որովհետև Աստուած սէր է: Ուրիշի նկատմամբ միայն սէր ցոյց տայով կարող ես աղօթել Նրան, որի անունը ՄԵՐ է և չի ընդունի այլ աղօթք, բայց միայն սիրոյ բիւծուք եղող խօսքը:

Ողջ աշխարհի քրիստոնէայ բոլոր Եկեղեցիները և ժողովուրդները, Ռդդափառ (Օրթոտոքս) լինեն թէ Կաթոլիկ կամ Բողոքական, բոլորն էլ մեծ արժէք և կարևորութիւն են տալիս Մեծի Պահոց այս շրջանին: Եթէ մենք ուղիղ հասկանանք մեր Հայց. Մայր Եկեղեցու հոգևոր, ծխական անանդութիւնները, անպայման պիտի տեսնենք և ըմբռնենք, որ մեր Առաքելական Սուրբ Եկեղեցին մեծ նշանակութիւն է տուել Մեծի Պահոց այս շրջանին և տալիս է նաև այսօր: Կարևորն այն է, որ մենք, որպէս մարդիկ, որքա՞ն կարևորութիւն ենք տալիս մեր անձերի և մեր ազգի առողջութեան և բարօրութեանը:

Վերանորոգե՛նք մեր սուրբ հայրերի սրբարար աւանդութիւնը՝ Մեծ Պահոց այս քառասնօրեայ շրջանը վերածելու համար հոգևոր գարնան նման մի շրջանի տարուայ մեր կեանքում: Եւ երբ հասնենք Չատկայ տօնին, թող յարուցեայ Փրկիչը, որ իր յարութեամբը յաղթեց մեղքին և մահուան, մեր մէջ գտնի մեղքերից մաքրուած անձինք և բնակի մեր մէջ, որպէսզի յաղթական դուրս գայ մեր ազգը որպէս ճշմարտապէս քրիստոնէայ ազգ բոլոր տեսակի չարիքների դէմ:

Ողջ լերուք ի Տէր, պօրացեալք շնորհօք Սուրբ Հոգւոյն, և յաւետ օրինեայ ի Մէնք. ամէն:

ԳԱՐԵԳՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՅ